



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa

17 Marsu 2014

Arguidu ba kazu abuzu seksuál ba menór hetan pena tinan 15 prizaun

Iha loron 14 Marsu 2014 Tribunál Distrital Suai kondena arguidu ba kazu abuzu seksual ba menór ho pena tinan 15 prizaun tanba provadu komete krime abuzu seksuál hasoru vítima ne'ebé sei ho idade menór (tinan 12). Kazu ne'e akontese iha iha 31 Agostu 2013, iha Distrito Suai.

*“Tribunál kontinua hatudu nia komitmentu hodi kondena autór sira ba kazu krime abuzu seksuál menór. JSMP rejista katak iha progresu pozitivu iha aspetu kondensasaun ba kazu abuzu seksual sira hasoru labarik, mesmu nune'e, JSMP kontinua ezije ema hotu atu kontribui salva no prevê labarik sira hasoru krime hanesan iha futuru,”*dehan Diretor JSMP, Luis de Oliveira Sampaio.

JSMP fiar katak kazu abuzu seksuál nu'udar kazu ne'ebé grave no kompleksu teb-tebes iha kontestu investigasaun atu rekolla provas sira ne'ebé asosiadu iha kazu ne'e. JSMP rekoñese katak rezultadu hirak ne'e, la ses husi esforsu husi polisia no Ministériu Públiku nia esforsu atu asegura katak akuzasaun ne'e iha faktu no evidensia suficiente lori arguidu ba prizaun.

Durante prosesu julgamentu arguidu konfesa totalmente faktus sira ne'ebé Ministériu Públiku akuza ba arguidu. Tanba arguidu konfesa ninia hahalok, nune'é tribunál la presiza rona deklarasaun husi vítima.

Bazeia ba faktu hirak ne'e, tribunál hamonu pena tinan 15 prizaun tuir akuzasaun Ministériu Públiku nian bazeia ba artigu 177 Kódigu Penál kona-ba abuzu seksuál ba menór konjugadu ho artigu 182 alineaia (a) kona-ba agravasaun.

Prosesu julgamentu leitura akordaun ne'e preside husi juís koletivu ne'ebé representa husi Pedro R. de Figuiereido, Ministériu Públiku representa husi Dra. Benvinda da Costa Rosario no arguidu hetan defeza husi Dr. João Henrique de Carvalho husi Defensória Públiku.

Atu hetan informasaun kle'an liután favór kontaktu:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

info@jsmp.minihub.org

Telefone: 3323883 | 77295795

Website: www.jsmp.tl